

# Talaalii COVID-19 Novavax Maal Beekuu Qabda



## Talaalii Novavax jechuun maal jechuudha?

Talaaliin COVID-19 haaraan Food and Drug Administration (FDA, Bulchiinsa Nyaataa fi Dawaa) tiin mirkanaa'e, Novavax, talaaliiwwan COVID-19 biroo amma US keessatti argaman kan biroo irraa addadha. Novavax talaalii kuta pirootinii kan teknolojii talaaliiwwan biroo yeroo dheeradhaaf fayyadamaman kan akka HPV, heppataattis B, fi qufaa keessatti baayyinaan itti mul'atan, wal fakkaatoo fi yeroo dheeraa fayyadamuudha. Novavax tarree talaalii marsaa lamaa kan guyyaa 21 addaan fagaatee kennamu kan namoota umriin isaanii waggaa 12 fi sanaa ol ta'eef kennamuudha.

## Novavax talaalii kuta xiqqaa pirootinii baratamaadha.

Talaaliiwwan hayyamaman kamiyyuu sirna madinummaa qaama keenyaa kan dabalani fi vaayirasii COVID-19 haleelu irratti kan gargaaran ta'us, Novavax teknolojii durii, caalmaatti baratamaa ta'e fayyadama.

- Talaaliiwwan kuta xiqqaa pirootinii COVID-19 kutawwan (pirootiniwwan) vaayirasii kan COVID-19 dhaf sababa ta'an of keessaa qaba.
- Akkasumas coomaa fi sukkaara sirna wajjiin waan dabalataa kan sirna madinummaa vaayirasiidhaaf deebisaa kennuu fi fuulduratti si eeguu irratti gargaaru of keessaa qaba.
- mRNA of keessaa hin qaban



## Miidhaawwan cinaa Novavax xiqqoo ta'uutu mirkanaa'e.

Miidhaawwan cinaa yeroo kan Novavax kanneen talaaliiwwan COVID-19 kanneen biroo irratti argaman irraa garagaraa miti. Dhukkubbii/dadhabbi, bakka waraannatanitti diimachuu fi iita'uu, akkasumas humna dhabuu, dhukkubbii maashaa, bowwoo, dhukkubbii buusaa, balaqqama/hoqqisiasaa, fi hoo'a qaamaa. Talaaliiwwan kuta xiqqaa pirootinii COVID-19, COVID-19 ykn dhukkuba biroo hin fidan.

## Ragaan maal agarsiisa?

Qoranannoon kilinikaalawaa kan badheessa 2021 taasifame akka agarsiisutti talaaliin Novavax kulkulawwan COVID-19 dhaabbachaa jiran 90% ittisuu irratti milkaa'ina kan qabuu fi du'aatiiwwan COVID-19 n wal qabatan ittisuu irratti 100% kan milkaa'efidha.

Akka qorannoo adeemsifamaa jiruutti, talaalichi facaatiwwan COVID-19 kamiifiyyuu, BA.5 illee dabalatee deebisaa kennuudhaaf madinummaa bal'aa kan qabuudha. Talaalii kuta xiqqaa kan akka Novavax vaayirasii jiraa kamiyyuu kan hin fayyadamnee fi jiinii keenya kan hin jijjiirre fi dhiibbaa irratti hin taasisneedha. Akkasumas waa'ee Novavax kan nuti baranne:



- Bara 2021 irraa jalqabee, Canada dabalatee biyyoota biroo hedduu keessaatti milkaa'inaan fayyadamameera.
- Qabiyeewwan talaaliiwwan biroo keessatti argaman kan alarjii namatti fidan hin qabu.
- Teknolojiiwwan wal fakkaatoo baratamoo ta'an kan talaaliiwwan beekkamoo akka qufaa, HPV, heppataatyis B, fi shinglisii keessatti fayyadamaman fayyadama.

Novavax adeemsa FDA Emergency Use Authorization (EUA, Hayyama Fayyadama Yeroo Rakkoo) keessa kan darbee fi keessattuu kanneen [talaaliiwwan mRNA](#) tiif filannoo barbaadaniif, filannoo sirriidha.

Dooziwwan dabalataa gareewwan birootif gara fuulduraatti gorfamuu danda'u.

## Talaalamuun ammas filannoo isa filatamaa dha.

Akkaataadhuma COVID-19 bubbuluun, filannoowwan talaalii hedduun argamaa jiru. Talaalii fudhachuun barbaachisaa ta'uu yaadachuu qabna. Omisha kamiyyuu haa ta'uu, talaalamuun COVID-19 fi dhiibbaawwan isaa irraa of ittisuuf eeggannoo gaaridha. Filannoo kamtu siif gaarii akka ta'e beekuf dhiyeessaa keetti haasa'i.